

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“ broj 7/10), na prijedlog Ministarstva zdravstva, Vlada Zeničko-dobojskog kantona na 112. sjednici, održanoj dana 05.06.2013. godine, d o n o s i

ZAKLJUČAK

I.

Prima se na znanje Informacija Ministarstva zdravstva Zeničko-dobojskog kantona o uslovima rada Službe za anesteziju i intenzivnu njegu u JU Kantonalna bolnica Zenica koja je sastavni dio ovog Zaključka.

II.

Zadužuje se Radna grupa koja ima zadatak da pripremi tematsku sjednicu Vlade vezanu za rad i poslovanje Javne ustanove Kantonalna bolnica Zenica da u roku od deset dana pripremi Informaciju za navedenu sjednicu.

III.

Zaključak stupa na snagu danom donošenja.

Broj: 02-_____ /13.

Datum, 05.06.2013. godine

Z e n i c a

PREMIJER

DOSTAVLJENO:

1x Ministarstvo zdravstva,

1x Članovi radne grupe (putem ministarstva),

1x Ministarstvo finansija,

1x JU Kantonalna bolnica Zenica (putem ministarstva),

1x a/a.

mr.sci. Fikret Plevljak,dipl.ing.

INFORMACIJA O USLOVIMA RADA U SLUŽBI ZA ANESTEZIJU I INTENZIVNU NJEGU U JU KANTONALNA BOLNICA ZENICA

Služba za anesteziju i intenzivnu njegu u JU Kantonalna bolnica Zenica se obratila direktoru Kantonalne bolnice Zenica i Upravnom odboru sa ciljem da ih upozna sa teškim uslovima rada u Jedinici intenzivnog liječenja, koji se hitno trebaju prevazići, što nije moguće bez podrške osnivača (dopis Službe za anesteziju i intenzivnu njegu je prilog Informacije).

Upravni odbor Kantonalne bolnice Zenica na sjednici održanoj 26.03.2013. godine je donio Zaključak kojim se navedeni dopis upućuje Ministarstvu zdravstva Zeničko-dobojskog kantona za rješavanje zahtjeva sadržanih u dopisu.

Analizirajući problem uslova rada u jedinici intenzivnog liječenja, Kolegij ljekara anestezije i intenzivne njege je donio slijedeće zaključke:

1. U postojećim uslovima je nemoguće odgovoriti pružanju zdravstvene usluge kakva je potrebna u Intenzivnoj njezi.
2. Nemoguće je u Intenzivnoj njezi podržati napredak hirurškog operativnog liječenja, što bi trebao biti prioritet u radu.
3. Hitno je potrebno:
 - Pronaći i opremiti novi prostor za Jedinicu intenzivnog liječenja, a pri tome uzimajući u obzir činjenicu da je po standardima organizacije intenzivne njege u svijetu i Evropi potrebno deset kreveta na sto hiljada stanovnika.
 - Raspisati konkurs za prijem pet specijaliziranih anesteziologa radi obezbjeđenja kadra za intenzivnu njegu i poslati određen broj ljekara na subspecijalizaciju iz intenzivne medicine.
 - Druga opcija je opremiti sve intenzivne njege u bolnici (Interno, Neurologija, Infektivno, Pedijatrija, Ginekologija) i educirati osoblje za respiratornu podršku.
 - Opremiti dio Odjela za urgentnu medicinu za postreanimacioni tretman u prvih 24 sata.
4. Potrebno je do nekog trajnog rješenja obnoviti opremu (respiratori, monitori i aparati za anesteziju jer isti neće dobiti atest za dalji rad od 2014. godine)
5. Hitno potrebno na nivou kantona naći rješenje palijativne njege i tretman teških pacijenata koji više nisu za tretman u intenzivnoj njezi.
6. Ukoliko s ene pokrene hitno rješavanje ovog problema, mišljenja smo da su u opasnosti i pacijenti i ljekari zbog uslova rada.
7. Upoznati Ministarstvo zdravstva i druge institucije Osnivača o ovom problemu, kako bi svi zajedno bili obaviješteni i preuzeli odgovornost za ovakav nivo zdravstvene usluge u uslovima intenzivnog liječenja.

Uzimajući u obzir naprijed navedeno, Ministarstvo zdravstva želi upoznati Vladu Zeničko-dobojskog kantona sa evidentnim problemom uslova rada Službe za anesteziju i intenzivnu njegu, koji Ministarstvo zdravstva ne može samostalno rješavati bez obezbjeđenja sredstava u Budžetu Zeničko-dobojskog kantona ili nekog drugog alternativnog izvora finansiranja.

U postojećim uslovima nedovoljnog punjenja budžeta, Vlada Zeničko-dobojskog kantona je donijela Zaključak broj: 02-14-7162/13 od 28.03.2013. godine kojim je pokrenuta inicijativa za izradu Izmjena i dopuna Budžeta Zeničko-dobojskog kantona za 2013. godinu i Odluku o obustavljanju izvršavanja pojedinih rashoda i izdataka u Budžetu Zeničko-dobojskog kantona za 2013. godinu (Odluka broj: 02-14-9484/13 od 18.04.2013. godine), kojom su privremeno u trajanju 45 dana zaustavljena preuzimanje obaveza na teret Budžeta Zeničko-dobojskog kantona za 2013. godinu.

Istovremeno napominjemo da su Budžetom Zeničko-dobojskog kantona za 2013. godinu sredstva na poziciji Kapitalni transferi drugim nivoima vlasti-za zdravstvo su planirana u iznosu od 500.000 KM. Zaključcima Vlade Zeničko-dobojskog kantona o utvrđivanju Plana novčanih tokova Budžeta Zeničko-dobojskog kantona za mjesec januar, februar i mart 2013. godine utvrđeno je da operativni planovi na navedenoj poziciji iznose 10% mjesečnog operativnog plana za januar, 25% mjesečnog operativnog plana za februar i 0% mjesečnog operativnog plana za mart, što ukupno iznosi 14.583 KM. Ograničenja planiranih sredstava u operativnim planovima ne daju prostor Ministarstvu zdravstva za planiranje potrošnje, jer su neizvjesna.

Zaključkom Vlade Zeničko-dobojskog kantona o pokretanju inicijative za Izmjenama i dopunama Budžeta Zeničko-dobojskog kantona za 2013. godinu naloženo je budžetskim korisnicima da izvrše preraspodjelu sredstava u okviru iznosa koje je predložilo Ministarstvo finansija (predloženi iznos sredstava za Ministarstvo zdravstva iznosi 973.281 KM). Da bi ispoštovali Zaključak Vlade Zeničko-dobojskog kantona i planirana sredstva u Budžetu Zeničko-dobojskog kantona sveli u predložene okvire, Ministarstvo zdravstva je u predloženim izmjenama bilo prinuđeno smanjiti iznos Kapitalnog transfera za zdravstvo sa 500.000 KM na 288.000 KM.

Ranije smo Vladu upoznali sa problematikom izmirenja obaveza u Kantonalnoj bolnici Zenica koja direktno utiče na sve izraženiji problem obezbjeđenja lijekova, što ugrožava normalno funkcionisanje Kantonalne bolnice Zenica.

Uzimajući u obzir navedeno smatramo neophodnim zajedničko angažovanje svih značajnih činilaca u pronalaženju rješenja za prevazilaženje problema sa kojim je suočena Kantonalna bolnica Zenica.

Zenica, 13.05.2013. godine

Ministrica

Mr. med. sci. dr Senka Balorda